



Broj: 05/2-11/3-1838/25
Velika Kladuša, 27.08.2025. godine

Na osnovu člana 100. stav (4) Zakona o javnim nabavkama („Službeni glasnik BiH“ broj: 39/14, 59/22 i 50/24), člana 108. stav (7) i člana 199. stav (3) Zakona o upravnom postupku ("Službeni glasnik BiH", br. 29/02, 12/04, 88/07, 93/09, 41/13 i 53/16), rješavajući po žalbi ponuđača TERRA BIH doo Sarajevo izjavljenoj na Odluku o dodjeli ugovora u predmetu javne nabavke, Općinski načelnik Općine Velika Kladuša, donosi:

ODLUKU

1. Usvaja se kao osnovana žalba, ponuđača TERRA BIH d.o.o Sarajevo, izjavljena na Odluku o dodjeli ugovora, broj: 05/2-11/3-1838/25 od 13.08.2025. godine u predmetu javne nabavke robe – Građevinska mašina SKIP - kombinirka za potrebe struktura CZ Općine Velika Kladuša za koju je objavljeno Obavještenje o javnoj nabavci, broj: 299-1-1-47-3-76/25 od 18.06.2025. godine.
2. Poništava se Odluka o dodjeli ugovora, broj: 05/2-11/3-1838/25 od 13.08.2025. godine.
3. Prihvata se ponuda ponuđača **TERRA BIH d.o.o Sarajevo, Binježevo 211**, sa ponuđenom cijenom od 369.900,00 KM bez PDV-a, dostavljena Ugovornom organu po JN broj: 299-1-1-47-3-76/25 od 18.06.2025. godine, te se Ugovor o javnoj nabavci robe – Građevinska mašina SKIP - kombinirka za potrebe struktura CZ Općine Velika Kladuša dodjeljuje imenovanom ponuđaču.
4. Po pravosnažnosti ove Odluke, Ugovorni organ će pozvati izabranog ponuđača radi zaključenja Ugovora koji reguliše međusobna prava i obaveze vezane za predmetnu nabavku shodno zahtjevima Ugovornog organa navedenim u tenderskoj dokumentaciji i propisima koji regulišu postupke ugovaranja.
5. Ugovorni organ će obavijestiti sve učesnike u postupku, te će ova Odluka biti objavljena na službenoj web stranici Ugovornog organa.
6. Ugovorni organ će u zakonski utvrđenom roku podnijeti zahtjev URŽ radi pokretanja postupka povrata naknade uplaćene za pokretanje žalbenog postupka.

Obrazloženje

Ugovorni organ, Općina Velika Kladuša je pokrenuo otvoreni postupak javne nabavke robe – Građevinska mašina SKIP - kombinirka za potrebe struktura CZ Općine Velika Kladuša, koji je objavljen na Portalu AJN, broj: 299-1-1-47-3-76/25 od 18.06.2025. godine. Javna nabavka provedena je putem otvorenog postupka sa međunarдном objavom, a kao kriterij za dodjelu ugovora odabrana je najniža cijena tehnički zadovoljavajuće ponude.

Nakon otvaranja ponuda i ocjene formalno – pravnih i tehničkih uslova definisanih tenderskom dokumentacijom, Komisija za javne nabavke je u prvobitnom ocjenjivanju ponuda kroz svoj Zapisnik o ocjeni i vrednovanju ponuda konstatirala da su u predmetnom postupku nabavke sudjelovala dva ponuđača: TERRA BIH doo Sarajevo i ASES TEAM doo Cazin za koje je definisano da ispunjavaju formalno-pravne i tehničke zahtjeve Ugovornog organa te su kao takve prihvatljive i mogu biti predmet vrednovanja u sistemu e-aukcije. Nakon završene e-aukcije, Komisija za javne nabavke je dala preporuku Općinskom načelniku da donese odluku o dodjeli ugovora ponuđaču ASES TEAM doo Cazin, sa ponuđenom cijenom od 345.000,00 KM, bez uračunatog PDV-a, kao najpovoljnije za predmetnu nabavku.

Nakon prijema Odluke o dodjeli ugovora broj: 05/2-11/3-1838/25 od 13.08.2025. godine koja je učesnicima postupka dostavljena dana 14.08.2025. godine ponuđač TERRA BIH doo Sarajevo zatražio je uvid u ponudu odabranog ponuđača. Nakon izvršenog uvida u zakonski ostavljenom roku ponuđač TERRA BIH doo Sarajevo je dana 22.08.2025. godine dostavio Žalbu na Odluku o dodjeli ugovora u predmetnom postupku nabavke.

Ugovorni organ, Općina Velika Kladuša konstatuje da je žalba blagovremena, dopuštena, izjavljena od strane ovlaštene osobe i lica koje ima aktivnu legitimaciju.

Uz žalbu je dostavljen dokaz iz člana 105. stav (1) tačka i) ZJN BiH o plaćenju naknadi za pokretanje žalbenog postupka u iznosu od 5.250,00 KM što predstavlja iznos propisanom članom 108. zakona. Na osnovu dostavljenih dokaza (nalog za plaćanje sa naznakom proveden i izvod br. 163 kao dokaz o odlivu sredstava) nesumnjivo se može utvrditi da je transakcija izvršena.

Žalitelj TERRA BIH doo Sarajevo žalbu temelji na činjenici da ponuda i ponuđena mašina odabranog ponuđača ne ispunjava formalno-pravne i tehničke zahtjeve ugovornog organa propisane tenderskom dokumentacijom obrazlažući ponaosob određene stavke i to:

1. Stranice ponude ponuđača nisu numerisane a što je bio uslov propisan tenderskom dokumentacijom;
2. Odabrani ponuđač nije dokazao da je ovlašten prodavac robe jer nije dostavio validan dokaz o tome. Dostavljena je potvrda na stranom jeziku bez prevoda na jedan od jezika u zvaničnoj upotrebi u Bosni i Hercegovini;
3. Odabrani ponuđač nije dokazao da za ponuđenu robu – mašinu postoji obezbijeđen servis i skladište rezervnih dijelova jer nije dostavio validan dokaz o tome. Dostavljena je potvrda na stranom jeziku bez prevoda na jedan od jezika u zvaničnoj upotrebi u Bosni i Hercegovini;
4. Odabrani ponuđač nije zadovoljio tražene tehničke karakteristike robe koja je predmet nabavke jer nije ponudio mašinu (skip) sa svim tehničkim karakteristikama koje su tražene tenderskom dokumentacijom u pogledu težine vozila, hidrauličnog sistema, mjenjača, prednje utovarne korpe, kapaciteta dizanja, dimenzije mašine i dubine kopanja.

Na osnovu navedenih činjenica, žalilac smatra da je Komisija ugovornog organa pogrešno utvrdila da ponuda ponuđača ASES TEAM doo Cazin ispunjava formalno – pravne i tehničke zahtjeve ugovornog organa te traži da se ponuda odabranog ponuđača odbaci kao neprihvatljiva, da se odluka o dodjeli ugovora poništi i donese nova odluka u konkretnom predmetu nabavke.

Žalba je osnovana.

Komisija za javne nabavke je, na osnovu pristigle žalbe, dana 27.08.2025. godine održala sjednicu, te sačinila Zapisnik o ponovnom pregledu i ocjeni ponude izabranog ponuđača, kojim je konstatirala da ponuda ponuđača ASES TEAM d.o.o. Cazin,:

- nije uredno numerisana, što predstavlja formalno-pravni nedostatak suprotan tenderskim zahtjevima,
- dokazi o ovlaštenju prodaje dostavljeni su isključivo na stranom jeziku, bez ovjerenog prevoda, čime nisu ispunjeni uslovi iz tenderske dokumentacije,
- dokazi o obezbijeđenom servisu i skladištu rezervnih dijelova također nisu validni zbog nedostatka prijevoda na službene jezike BiH,

- ponuđena mašina ne zadovoljava niz tehničkih karakteristika propisanih tenderskom dokumentacijom – uočena su značajna odstupanja u težini mašine, specifikacijama hidraulike, prednje korpe, kapaciteta dizanja, mjenjača i dubine kopanja.

Na osnovu ponovnog pregleda dostavljene ponude od strane ASES TEAM d.o.o. Cazin Komisija za javne nabavke u zapisniku konstatira da ponuda ponuđača ASES TEAM d.o.o. Cazin ne ispunjava formalno-pravne ni tehničke zahtjeve iz tenderske dokumentacije i kao takva je nepravilna i neprihvatljiva u smislu Zakona o javnim nabavkama BiH.

Komisija za javne nabavke je u svom Zapisniku konstatovala da je žalba ponuđača TERRA BIH d.o.o. Sarajevo osnovana, te predlaže poništenje Odluke o dodjeli ugovora i nastavak postupka javne nabavke u skladu sa zakonom, te donošenje odluke o dodjeli ugovora ponuđaču koji ispunjava formalno-tehničke uvjete iz tenderske dokumentacije, odnosno dodjelu ugovora TERA BIH d.o.o Sarajevo budući da u predmetnom postupku javne nabavke samo jedna ponuda ispunjava formalno – pravne i tehničke uslove definisane tenderskom dokumentacijom, a to je ponuda ponuđača TERRA BIH d.o.o. Sarajevo.

Ugovorni organ je na temelju utvrđenog činjeničnog stanja i preporuke Komisije nakon ponovnog pregleda i ocjene ponuda utvrdio da je žalba osnovana jer Komisija za javne nabavke u predmetnom postupku nabavke prvobitno nije pravilno ocijenila dostavljene ponude u pogledu formalno-pravnih niti tehničkih zahtjeva koji su bili postavljeni tenderskom dokumentacijom ugovornog organa. Svaki zainteresirani ponuđač, učesnik u postupku javne nabavke, je u obavezi da ispuni sve zahtjeve ugovornog organa što se posebno ističe u pogledu zadovoljavanja tehničkih karakteristika tražene robe.

Slijedom svega izloženog, donesena je odluka kao u dispozitivu.

Pouka o pravnom lijeku: Protiv ove Odluke može se izjaviti pismena žalba Uredu za razmatranje žalbi, putem Ugovornog organa u roku od 10 (deset) dana od dana prijema Odluke.

Obrađivač:
Sebila Dervić Melkić

DOSTAVLJENO:

1. Ponuđačima x 2
2. Služba za opću upravu, društvene djelatnosti i zajedničke poslove, - web stranica
3. Služba za finansije, računovodstvo i javne nabavke,
4. U spis,
5. A/a.

